

«O‘zdonmahsulot» aksiyadorlik kompaniyasining 2016 yil yakunlari bo‘yicha iqtisodiy ko‘rsatkichlari

Kompaniyani istiqbolli rivojlantirishning asosiy yo‘nalishi - ishlab chiqarishni uzluksiz texnologik jihatdan yangilash, ichki zaxiralarni doimiy ravishda izlash, iqtisodiyotda chuqur tarkibiy o‘zgartirishlarni amalga oshirish, sanoatni modernizatsiyalash va diversifikatsiyalashdan kelib chiqib, quyidagilar 2016 yilgi iqtisodiy dasturning eng muhim ustuvor vazifalaridan biri etib belgilangan:

kompaniya iqtisodiyotining raqobatdoshligini tubdan oshirish, eksport qiluvchi korxonalarini qo‘llab-quvvatlashni kuchaytirish, eksportda fermer xo‘jaliklari, kichik biznes va hususiy tadbirkorlikning ishtirokini har tomonlama rag‘batlantirish;

kompaniya iqtisodiyot tarmoqlariga zamonaviy axborot kommunikatsiya texnologiyalarini keng joriy etish, “Elektron hukumat” tizimi yaratilishini tubdan jadallashtirish;

“Sog‘lom ona va bola yili” Davlat dasturida belgilangan vazifalar ijrosini ta‘minlash.

Iqtisodiyotda tub tarkibiy o‘zgarishlarni amalga oshirish, modernizatsiya va diversifikatsiya jarayonlarini izchil davom ettirish bo‘yicha belgilab berilgan ustuvor vazifalar asosida kompaniya va tarkibdagi korxonalar iqtisodiy o‘shishning yuqori sur‘atlarini ta‘minlash, yangi quvvatlarni ishga tushirish, mavjudlarini zamonaviy yangi texnologiyalar asosida modernizatsiya qilish, tarmoqni diversifikatsiya qilish, import o‘rnini bosadigan hamda eksport qilishga yo‘naltirilgan raqobatbardosh mahsulotlar ishlab chiqarish borasida keng qamrovli ishlar tashkil etildi.

Tarmoq korxonalarini modernizatsiyalash va yangi quvvatlarni jalb qilib, ishga tushirish, yangi zamonaviy texnologiyalarni joriy etish, ishlab chiqarishni diversifikatsiyalash, axborot kommunikatsiya vositalarini joriy etish ishlariga alohida e‘tibor berildi.

O‘zbekiston Respublikasi Prezidentining 2015 yil 25 dekabrda “O‘zbekiston Respublikasining 2016 yil uchun Investitsiya dasturlari to‘g‘risida”gi PQ-2458-sonli qaroriga muvofiq tarmoq korxonalarida investitsiya loyihalari amalga oshirildi.

2016 yilda korxonalarini modernizatsiya qilish va yangi quvvatlarni ishga tushirilishi bo‘yicha jami 22 ta loyiha amalga oshirildi

Jumladan PQ-2458-sonli qaroriga asosan 5 ta loyiha “G‘alla-Alteg”, “Qo‘ng‘irot un zavodi”, “Qo‘rg‘ontepa don mahsulotlari”, “Buxorodonmahsulotlari” va “Navoiydonmahsulotlari” korxonalarining tegirmon sexlari zamonaviy yangi texnologiyalar asosida modernizatsiya qilinib, ishga tushirildi.

O‘zbekiston Respublikasi Prezidentining 2013 yil 18 noyabrda PQ-2069-sonli qaroriga muvofiq “Toshkentdonmahsulotlari” korxonasi tegirmoni modernizatsiya qilindi.

Vazirlar Mahkamasining 2015 yil 22 sentyabrda 05-05-41-2-sonli bayoniga muvofiq “Jizzaxdonmahsulotlari” korxonasida yangi texnologiyalar asosida non ishlab chiqaradigan 1 ta yangi sex ishga tushirildi.

Vazirlar Mahkamasining 2015 yil 6 noyabrda 232-sonli qaroriga asosan “SHo‘rchi don mahsulotlari” korxonasida non sexi ishga tushirildi.

Vazirlar Mahkamasining 2015 yil 3 iyunda 147-sonli qaroriga asosan “Xovos don mahsulotlari” korxonasida non sexi ishga tushirildi.

Hududiy dasturlarga asosan 4 ta non mahsulotlari ishlab chiqaradigan yangi sexlar “Asaka don mahsulotlari”, “Jomboy don mahsulotlari”, “Jomboy don mahsulotlari” (Urgut), “Don xalq rizqi” korxonlarida va 7 ta don saqlash uchun yopiq sig‘imlar “Buxorodonmahsulotlari” (Romiton), “Buxorodonmahsulotlari” (Vobkent), “Andijondonmahsulotlari”, “Asaka don mahsulotlari”, “Namangandonmahsulotlari”, “Kogondonmahsulotlari”, “Don xalq rizqi” korxonalarida ishga tushirildi.

Vazirlar Mahkamasining 2015 yil 7 avgustda 233-sonli qarori asosida “Xovos don mahsulotlari” korxonasida qumoqlangan (granulla) omixta yem ishlab chiqarish sexi ishga tushirildi.

Vazirlar Mahkamasining 2015 yil 29 maydagi 142-sonli qarori asosida “SHo‘rchi don mahsulotlari” korxonasi tomonidan meva-sabzavotlarni quritish sexi ishga tushirildi.

2016 yilda 61 mlrd so‘mlik kapital mablag‘lar o‘zlashtirildi, hamda 682 ta yangi ish o‘rinlari yaratildi.

Kompaniya tizimida 2016 yil yakunlariga ko‘ra sanoat mahsulotlari ishlab chiqarish o‘sinh sur‘ati 108,5 foizni va xalq iste‘mol mollari ishlab chiqarish o‘sinh sur‘ati 104,3 fozni tashkil etdi.


Mahsulot ishlab chiqarish natura ko‘rinishida un ishlab chiqarish o‘tgan yilning shu davriga nisbatan o‘sinh sur‘ati 99,5%, o‘mixta yem o‘sinh sur‘ati 100,2%, non va non mahsulotlari o‘sinh sur‘ati 118,1 %, makaron mahsulotlari o‘sinh sur‘ati 100% ni tashkil etdi.

Kasb-hunar kollejlari bilan hamkorlik aloqalari davom ettirish, o‘quvchilarning ishlab chiqarish amaliyotlarini tashkil qilish, bitiruvchilarni ishga joylashtirish bo‘yicha respublikadagi 16 ta qishloq xo‘jaligi kasb-hunar kollejlari tizim korxonalariga biriktirildi. Ushbu kollejlarni joriy yilda 4293 nafar o‘quvchi bitirdi.


“Bitiruvchi-kollej-ish beruvchi” o‘rtasida tuzilgan uch tomonlama shartnomalar asosida ushbu bitiruvchilar ishlab chiqarish amaliyotlari o‘tagan korxonalar tomonidan ishga qabul qilindi.

Korxonalarda mehnat unumdorligini oshirish, ularni zamonaviy texnologiyalar asosida ishlovchi malakali ishchi va xizmatchilar bilan ta‘minlash maqsadida 1240 nafar xodim tegishli ta‘lim muassasalari va malaka oshirish kurslarida o‘qitildi.

2011-2016 yillarda non va non mahsulotlari ishlab chiqarish dinamikasi



2011-2016 yillarda omuxta yem mahsulotlari ishlab chiqarish dinamikasi



2016 yilndagi ishlab chiqarish ko'rsatkichlari

Ko'rsatkichlar	O'sish sur'ati %
Sanoat mahsulotlari ishlab chiqarish	108,5
Xalq iste'moli mollari ishlab chiqarish	104,3
Un	99,5
Omuxta yem	100,2
Non va non mahsulotlari	118,1
Makaron mahsulotlari	100,0

2016 yilda yaratilgan qo'shimcha ish o'rinlari

Yo'nalishlar	Soni	%
Kasanachilik asosida	485	110,2
Investitsiya dasturi bo'yicha	75	105,6
Tarmoq dasturi bo'yicha	122	138,6
Jami yaratilgan ish o'rinlari	682	113,9